

嘉慶廬州府志

廬州府志卷四十五

賜進士出身廬州

府知府張祥雲主修

列女 元節四

王賜爵妻鄧氏無爲人少寡守節撫孤教兩孫有翼明皆成立年八十餘卒雍正七年請旌

張宗可妻陳氏無爲人年十六夫死撫幼子剛苦節歷年七十餘

監生邢光宗妻徐氏無爲人光宗早卒氏無出側室劉氏生一子甫週歲劉又歿氏勵操撫孤年登九十州守旌之庠生錢人瞻側室王氏無爲人瞻故氏年二十四守節撫孤數十年如一日

貢生劉光案側室宋氏無爲人婦居數十年事姑盡孝州守
顏堯揆旌之

周應鳳妻李氏無爲人鳳率氏毀容矢節奉姑育子清操四
十餘年

劉中丞崙無爲人側室張氏燕人崙歿氏少年矢節崙嫡孫
光大髫鬢失恃氏撫訓有成後膺歲薦卒年七十八其娣
沈氏及嫡子之媵朱氏年十八俱少寡守節

丁一輔妻魏氏無爲人年十八夫死無子家極貧茹苦守節
年八十四卒

錢士眉妻謝氏無爲人年二十一夫卒子在襁褓中氏矢節
撫孤四十年如一日氏母年八十臥病衣不解帶者累月

州守顏堯揆旌其門

朱文明妻陳氏無爲人年二十二夫亡撫遺腹子之祚成立
苦節四十五年州守旌之

庠生程九萬妻黃氏無爲人夫亡撫子子天撫孫年二十一
守節壽九十而歿州守旌之

劉天寵妻東氏無爲人年十八守節壽至七十府州俱旌以
額

陳昌盛妻朱氏無爲人二十而寡子甫匝月姑老病臥牀第
者逾年氏躬侍湯藥無倦容子亦成立當道屢旌之

進士沈志彬妻劉氏無爲人夫死氏年二十一事翁姑撫孤
成立四十餘年

兵部武選司朱芾煌側室白氏無爲人年二十四夫死遺孤甫七齡矢節教子後子維世以進士爲雲南守備封恭人年至六十

庠生夏風泰妻陸氏無爲人泰早卒氏撫孤日高後高亦早世其婦王氏亦矢節陸得瘋疾臥病三載王氏與同臥起頃刻不離人稱其節孝

謝邦瑜妻伍氏無爲人邦瑜性至孝母卒哀毀成疾喪畢議婚合卺之夕邦瑜卒氏誓死守節邦瑜有弟方孩提氏撫之飲食教誨備至長擇母家妹爲之室州守李璋旌其門曰奇節千秋

潘上選妻周氏無爲人夫病劇刲股以救卒不起氏守節教

子義方壽至七十

關華鄧妻耿氏無爲人夫歿守節年至七十州守旌之

劉有紋妻朱氏無爲人年二十四夫卒甘貧守節州守旌之
姚應龍妻史氏伍國倫妻張氏陳灼妻傅氏黃應儼妻程氏
俱無爲人夫死守節

廩生張翺妻丁氏無爲人其媳李氏俱夫死守節李更割股
救親時謂一門雙節

陳秀甫妻齊氏無爲人年二十四而孀守節五十年州守屢
旌之

管一倫妻汪氏無爲人年二十五夫死守節年逾七十公舉
旌獎

庠生葉日翰妻李氏無爲人夫死守節撫弱子成立名重儒林

周希顏妻徐氏無爲人年二十舅姑暨夫咸染疾氏晝夜悲號額天一月三割股救之後姑及夫又相繼歿氏年二十八忍飢哺孤苦節四十年而卒

楊加臣妻余氏無爲人年十七歸楊甫兩月夫亡立子娶婦繪夫像供之終身不懈苦節六十八年卒年八十有五雍正十三年請旌

廩生高景文妻張氏無爲人年十九適高善事翁姑克盡婦道景文歿氏時年二十四遺孤不育以姪述猷爲嗣苦節自勵訓子成名卒年六十有七諸孫俱列膠庠雍正七年

請旌

袁貽穀妻高氏無爲人高景文女也年二十三夫亡矢志瘞容骨立年四十一卒雍正七年請旌

文學曹開祠妻吳氏無爲人年二十四守節撫子有成魏柏鄉相國旌之

建寧太守吳開允側室朱氏無爲人開允卒氏年二十四守節事嫡賢恭人尤謹壽七十九卒

李應勅妻袁氏無爲人少寡守節事姑盡孝撫襁褓子穉蓮成名年至八十七州守喻珩給匾旌之

庠生劉廷良妻湯氏周忠心妻劉氏周良忱妻倪氏秦鵬翕妻趙氏周家酉妻張氏俱無爲人夫死矢志撫孤

燕時開妻朱氏無爲人年二十九夫故子翼甫八歲氏守節教子成名壽七十九州牧孟述緒韓淑文相繼旌以額

劉翌明妻季氏無爲人年二十八夫卒遺孤九錫甫七齡氏苦節自矢教子有方九錫成立拾金還主氏壽登百歲州守李璋旌其門曰松柏千秋女適季伯昇年二十七夫亡三子俱幼氏苦節自甘撫孤成立年七十州守李璋旌之壽至九十六

吳嘉瑞妻滕氏無爲人年二十七瑞歿止生一女氏守終身女適孫九阜生于世錡亦少寡家貧依從弟吳伯興伯興教其子成立長不娶曰母性靜潔恐承順不得其人爾及母卒乃娶

文學錢生廉側室陳氏無爲人年二十七而寡撫二子沆滙俱成立年八十餘

文學周新側室黃氏無爲人年二十四新卒無子矢志不二後嫡子鵬卒愛撫嫡孫不啻已出苦節四十餘年

進士吳世基妻汪氏無爲人夫死守節子媳中道繼亡復撫諸孤成立茹苦數十年壽八十有二

監生吳世恆妻程氏無爲人世恆卒年二十一矢節歷五十餘年州守李璋旌之

吳世杰妻杭氏吳世泰妻後氏庠生吳韻妻徐氏俱無爲人少寡守節

魯名世妻張氏無爲人年二十六夫死矢節逾六十年府州

俱旌以額

陳章大妻周氏無爲人年二十二夫卒無子清節誓守州守
胡良佐錫額旌之

陸愛及妻傅氏王文明妻楊氏凌子宜妻張氏徐大禎妻孔
氏文學萬世斌妻曹氏俱無爲人夫死子幼守節終身
畢邦貞妻張氏無爲人早年守節撫孤竟仁成立側室王氏
亦以節著州守張國禎旌其雙節竟仁亦早死其繼室田
氏無出撫竟仁前妻三子侍兩姑孀居以終

文學畢道華妻胡氏無爲人年二十六而寡道華仲弟道卓
妻余氏季弟道岸妻鍾氏亦少寡一門姊妹皆以節稱
李應白妻畢氏年二十三夫歿撫子光孔苦節自甘光孔早

卒其妻伍氏亦守節三十餘年無爲州牧胡良佐給匾旌之

生員季運泰妻郭氏生員季運昌妻錢氏生員張超妻袁氏翟成名妻陳氏無爲人俱少寡守節

李文良妻周氏無爲人年三十夫死遺腹生子廷寶時親叔利其財脅令改適氏誓死不從以憂鬱致盲州守王國輔旌以操堅祿孕後廷寶娶婦生孫承先氏雙目復明壽近八十終承先亦早亡孫媳鍾氏年二十八亦遺腹生子宗銘矢節撫孤

沈可揚妻任氏無爲人年三十夫死撫兩子俱成立清節五十餘年學憲許汝霖旌以額

陸光曉妻劉氏無爲人年二十五夫卒守節五十三載署州牧魏荔彤錫額旌之

生員呂志孔妻湯氏楊子魏妻張氏其女爲徐啟昇之妻文學張庚繼妻唐氏張正業妻金氏張必達妻楊氏張必敬母王氏妻邢氏子秉常妻劉氏張秉綱妻潘氏張秉玕妻朱氏張世傑妻胡氏俱無爲人皆少寡矢節撫孤張庚子延祺領雍正壬子鄉薦

王義千妻張氏無爲人少寡家甚貧姑與叔不利其守數以計去之氏以刃自守族人王若合義之給田數畝使資衣食以全其節

張秉笏妻吳氏無爲人嫁八月而孀氏飲泣減食骨見衣裘

翁姑勉進醫藥泣曰兒不能早從夫於地下今得就木幸矣何醫爲數月而沒聞者哀之

張必祥無爲人妻陳氏金陵人也旣許字其父知祥老而農欲悔之氏曰命也金陵之大豈少吾夫而外求焉媒雖狡天使之爾與祥俱歸襄縣繩樞廚無宿米氏乃悉脫其粧日勤紡績生一子曰如士在襁褓而祥死日食一粥累月不見鹽腥鄰母諷之改適氏曰苟圖溫飽當年不爲若婦矣苦節自甘後其子有田有宅皆氏勤苦所致焉

桐邑周某妻李氏無爲人年十九夫歿子甫三歲舅姑欲令改適氏誓死不二絕水漿者七日適父母至勸之因隨歸母家貧甚不能自給十數年後聞舅姑病卽攜其子歸送

終盡禮年五十餘卒於桐邑

庠生季志昂妻許氏無爲人年二十四夫卒哭奠靡依治家整齊嚴肅撫孤倫成立早入州庠雍正七年請旌

庠生季運燦妻張氏無爲人氏父無子沒時遺金千餘氏以半入宗祠存半爲父立嗣及適季二載而寡氏凜清操撫孤成立時大疫氏侍翁姑親調湯藥辛苦備極疫獨不染鄉里以爲孝感所致

武舉季運新側室劉氏無爲人運新卒時氏年十九嫡馬氏憐其幼且無出令歸母家氏矢志不往朝夕惟嫡是依守貞偕老嫡子國琮娶婦朱氏不數年而國宗亡朱時年甫二十撫孤勵志亦以節終乾隆七年請旌

庠生張昇妻錢氏無爲人夫卒氏年二十遺腹生子可儲守節五十七載卒年七十有七防府陳文煊旌以額

周永宣妻俞氏無爲人年二十一夫亡無子清節苦守逾五十年卒年七十有二防府趙東旭旌以額

劉子祚妻汪氏無爲人年二十一夫亡矢節州守李璋旌以
肝腸冰雪子賓妻復早卒其妻汪氏亦誓不再適事姑終
養撫子有成州守韓繼先旌以額

謝朝榮妻曹氏無爲人年十九適謝年二十一夫亡生子未
育嗣子復天矢志苦守終身如一日卒年八十有二

馮尙宜妻劉氏無爲人年二十一夫故家貧無子母氏屢奪
其志氏誓死不從苦節五十載臨終召諸姪告以期及期

端坐而逝時年七十有一

戴朝泰妻裴氏無爲人年二十二夫故子昇甫週歲教之成名州守孫成已旌以額後昇復早死氏與婦潘氏同勵苦操撫孫經綸成立卒年六十有三

張應錦妻蔡氏無爲人夫亡氏年二十五矢節撫孤學備成立學備復早亡遺二孫與媳方氏同勵苦節蔡終年九十六方終年六十六

王從靖妻胡氏無爲人年二十二夫卒撫二幼子苦志守貞卒年五十二

梅能宗妻徐氏無爲人年二十六夫亡矢節翁病兩次割股療之雍正七年請旌

方祚成妻俞氏無爲人年二十二夫卒撫二子成立事姑極孝姑沒時雙足卷曲氏泣抱姑足解懷溫之良久忽伸鄉里欽其節孝卒年九十有七雍正七年請旌

仰前章妻祝氏無爲人年二十七夫卒苦志守貞誨二子成立雍正七年請旌

文學劉士瑤妻潘氏無爲人年二十夫故事孀姑盡孝訓子以義方守志四十六年雍正九年請旌

劉遇聖妻夏氏無爲人年二十四夫卒矢志苦守孝養舅姑撫孤士英成名年八十二雍正九年請旌

丁良嵩妻汪氏無爲人事後姑極孝年二十九夫故撫子大燦成立復早亡媳汪氏年二十六姑婦同守撫育穉孫

立雍正九年請旌

黃文長妻程氏無爲人二十四夫死于光瑛未及週歲撫孤勵節三十六年雍正十年請旌

閻應科妻吳氏無爲人二十五夫死守志撫孤成名清節六十七年雍正十年請旌

邢國藩妻董氏無爲人年二十四守節近五十年教育二子成名諸孫森立雍正十年請旌

監生張鉞妻何氏無爲人二十六夫死子在田甫三歲撫育成名在田復早故氏同媳劉氏撫育孤孫成立雍正十年請旌

程天修妻朱氏無爲人年二十二夫亡孝養舅姑生養死葬

皆盡禮撫孤學孔成立雍正十二年請

傳嗣妻吳氏無爲人年二十六夫卒無子立伯氏子爲嗣
家貧常不舉火苦節自勵四十餘年

傳嗣哲妻朱氏無爲人少寡守節

庠生何宏毅妻朱氏年二十六守節無子以姪永齡爲嗣學
憲鄭公旌以貞範可風永齡亦早卒婦朱氏年二十八亦
無子以姪興祚爲嗣孝養曲盡辛苦備嘗

生員劉宗諒妻施氏無爲人年二十二夫亡守節姑性甚嚴
氏奉養惟謹年近七旬乃卒

監生蕭通行妻范氏無爲人年十九歸蕭二年而夫歿遺腹
生子顯晟苦節自持撫孤成立守節五十六年雍正八年

請旌

謝之秉妻巴氏無爲人夫亡守志操作辛勤撫子珍裔成名
雍正八年請旌

監生夏續祖妻周氏無爲人早年夫歿撫孤守志年逾五十
而卒雍正九年請旌

吳允愉妻黃氏無爲人年二十一寡誓以身殉翁姑諭止之仰
事俯育辛苦脩嘗五十年如一日雍正十年請旌子復早
故媳楊氏亦同姑撫孤守節十八年而終州守亦先後褒
美之

伍吉妻趙氏無爲人少寡守節

沙福金妻尤氏無爲人年二十四守節撫孤子沙寬成立娶

娘劉氏寬又卒劉年甫二十三事祖姑及孀姑皆盡孝訓
子以義方四世一身脩歷艱苦太守尤公拔世旌其門
生員周開瑤妻畢氏無爲人年二十五寡生子庠化早天婦丁
氏年甫十九姑媳相依守節先後五十餘年乾隆七年請
旌

生員吳聲成妻史氏無爲人年二十六守節子承吉方五歲
撫育成立復早亡遺一孫六歲而夭其婦倪氏亦矢節與
姑零丁相依

夏日新妻袁氏無爲人年十九夫故翁姑垂暮奉侍唯謹養
生送死脩極艱辛立姪繼祖早歿復立族姪紹祖亦亡朝
夕惟依弱孫苦節六十餘年卒年八十有七

庠生汪國璋妻卞氏無爲人年二十九守節江防同知趙東旭錫額旌之

郭秉鈞妻錢氏無爲人夫卒母家欲奪其志氏矢死不移姑以哭子喪明氏朝夕扶持惟謹後子媳繼沒止一穉孫氏又撫育十載年五十四乃終時植姑服未闋命以縞素入殮

郭秉鸞妻趙氏無爲人年二十四夫亡無子族人爭立分產氏守清貧紡績度日茹苦三十七年而卒

庠生劉正國妻沈氏金可任妻崔氏俱無爲人夫亡守志徐大定妻章氏無爲人年十九歲大歿生子甫三月矢志守貞孝事舅姑終養撫育遺孤有成苦節三十五年乾隆元

年請旌

洪序妻葉氏無爲人年二十五夫死守節五十年雍正十三年請旌

蕭時安妻張氏無爲人少寡家貧子幼紡紉資給奉姑終養撫孤有成守節二十八年雍正十三年請旌

徐啓昇妻楊氏無爲人年十七歸徐甫二載夫故遺腹六月生子頤撫之成立後因翁姑繼歿哀毀致疾而卒苦志二十六載乾隆三年請旌

伍永遐妻汪氏無爲人年十九甫嫁夫亡矢志守節嘗割股療姑疾無子以姪成爲嗣教之成立苦節近六十年乾隆四年請旌

李文志妻項氏無爲人年二十三歲而寡痛不欲生家人勸之始進飲食教三子課讀有成守節六十二年乾隆四年請旌

丁國梁妻朱氏無爲人年十八嫁二載夫歿苦節六十四年乾隆五年請旌

魯光發妻張氏無爲人侍夫病晝夜不懈者三年及沒氏年二十七扃戶投繯以救免時生子未彌月苦守奉翁姑終養撫弱息有成守節五十六載乾隆五年請旌

汪正鈞妻朱氏無爲人侍夫病者四載及夫歿時年二十七生子甫週歲勵志苦守奉姑終養育子成立乾隆五年請旌

王芬妻季氏無爲人年二十四夫死家貧氏紡績易薪米奉養衰翁教育二孤成立長子永煥補諸生乾隆五年請旌
庠生季上妻奚氏無爲人年二十七夫亡守節撫子國綬國
昌成立州境時有水患氏出餘粟周急鄉里藉以安堵者
實多乾隆五年請旌

張道揆妻雷氏無爲人年二十七夫死苦節無子姪耀嗣撫育
有成乾隆五年請旌

王鳳自妻張氏無爲人年二十二夫死氏斷葷茹素者三十
八年乾隆五年請旌

彭朝鼎妻朱氏無爲人訓導朱之彥孫女年十六嫁二十三寡
于世俊世澤俱幼翁姑衰病氏服侍終養撫子有成苦節

五十三年乾隆六年請旌

太學生程璉妻巫氏無爲人年二十七守節州府學憲俱旌之以額

文學張延祺妻耿氏無爲人年二十一守節州守旌之

監生徐萬蘇妻謝氏謝世澤妻侯氏劉應龍妻孔氏謝階六妻曹氏俱無爲人夫死守節

朱文猶妻劉氏無爲人年二十八守節州守韓繼先以額旌之

庠生何崇仁妻鮑氏無爲人年二十餘夫死伯利其產知不可奪陰搆強暴逼脅之氏奮身投火焦髮爛面得免已乃苦守三十餘年雍正十二年請旌

朱長國妻夏氏無爲人年十九守節州守姚宗先旌以額
謝邦仁妻于氏無爲人年二十五夫亡甘貧守節州守姚宗
先旌以額壽八十有二

廩生汪景鏞妻胡氏無爲人夫死氏時年二十八守節教二
子皆成立

凌世琮妻汪氏廩生汪景鏞女年二十六夫卒守節乾隆七
年請旌

監生張坦妻趙氏阮兆羲妻張氏朱萬森妻燕氏劉日昇妻
石氏朱宸吉妻魯氏沈坦妻吳氏俱無爲人少寡守節撫
孤成立

邢可先妻戴氏無爲人年二十八夫卒甘貧守節州守范從

微旌以額

生員呂宏妻丁氏無爲人年二十九守節子自任亦早死婦
丁氏亦守節撫孤

孫天詵妻董氏無爲人夫故守節遺孤兆行後早亡復撫孤
孫孫亦死數十年辛苦備嘗魏公荔彤旌以額兆行妻呂
氏亦以節稱

王彥臣之母高氏無爲人少寡于彥臣亦早死幼孫亦繼亡
熒熒苦節鄉里哀之

田遜吉妻束氏無爲人嘗刲股療母病年十七適田復刲股
救姑獲痊後夫病篤又刲股救之年未三十夫故矢節數
十年如一日

倪懷簡妻許氏劉自傑妻倪氏俱無爲人年二十四夫死守節

李方伯妻陳氏無爲人夫死時氏年十八遺腹生子又殀矢節苦守事姑終養賣屋卜地安葬三代學憲姚公旌之勒石墓左

謝敬際妻葉氏何繼昇妻許氏齊書伸妻方氏何廷勳妻盛氏俱無爲人夫亡甘貧守節

周漢臣妻齊氏無爲人早年夫卒子幼家貧苦志獨守脩歷艱辛乾隆二年請旌

孫彪妻趙氏無爲人年二十四夫亡守節州守李廷煥給額旌之

陳文衢妻劉氏無爲人夫歿撫遺孤苦節五十載

劉嘉善妻潘氏無爲人姑病刲股和藥以進獲痊夫以瘵疾
早卒躬耕育子年六十餘

仰珥妻周氏無爲人夫死氏年二十翁姑憐其少欲令他適
氏以死自誓甘貧苦守

劉公澤妻楊氏庠生劉祐妻謝氏俱無爲人夫死守節

阮嘉行妻陳氏無爲人年二十一夫死子兆麟亦早亡子婦
朱氏年甫十九姑婦矢志苦節相依

監生王乘機妻林氏生員朱軾妻林氏夏雲鵬妻周氏監生
周國聘妻沙氏戴興學妻涂氏庠生吳永言妻劉氏俱無
爲人少寡守節

鄧自芬妻朱氏無爲人年甫十八夫亡生子大中甫四月撫孤苦守紡績度日大中復早亡偕媳徐氏同撫穉孫曷望成立乾隆十五年請旌

職監范基成妻秦氏無爲人早孀子自淳亦早卒其妻許氏撫孤守節克紹其姑

葉有仁妻管氏無爲人少寡守節州守韓繼先旌以節壽堅貞

邢佑臣妻王氏無爲人年二十夫故姑老家貧遺孤在抱矢志苦守訓子有成州守韓繼先旌以遐貞永祐

范自得妻江氏生員張淵妻董氏劉佃妻沈氏閭閻泰妻郁氏張鑑妻朱氏陸光奎繼妻劉氏徐世恩妻沈氏王相國

妻孫氏陳太華妻楊氏張勝謨妻汪氏蔣紹緒妻倪氏無
爲人俱夫死甘貧茹苦矢志不移郁氏兩次刲股療翁病
兼以孝聞

庠生馬之璇妻陸氏無爲人年二十九夫卒守節州守李廷
煥旌以額

陸光彌妻吳氏無爲人早年夫卒二子俱幼矢志撫孤教誨
成立長子廷望亦早亡其妻邢氏矢志節孝兼著江
防同知戴中行旌以額

方國佐妻耿氏年二十夫卒生子文甫週歲矢志守撫孤
成立守節七十餘年乾隆十六年請旌

石尙廉妻金氏無爲人年二十五夫亡守節撫子成立乾隆

九年請旌

張某妻盛氏無爲人年二十二夫亡守節

姚之縱妻曹氏無爲人年二十二夫亡無子苦節自甘數十年如一日州守何經業旌以額

文學倪光仕妻朱氏無爲人年二十四夫亡孀姑年逾六十長子甫三齡次子在遺腹家計貧難矢志不二仰事俯育備極辛勤苦節歷三十年而卒

監生沈光斗妻魏氏無爲人年二十五夫卒無子止二女矢志守節家苦貧紡績度日生平未嘗聞笑語聲卒年七十有五次女通季任材亦以節稱

秦熊妻劉氏無爲人年二十七夫亡遺孤復歿立姪佑爲嗣

苦節三十七載州守韓繼先給額旌之

庠生謝功勳妻邢氏無爲人年二十七夫卒生子名言未彌月苦節撫孤五十一載年七十八而終

庠生楊澤民妻季氏無爲人年二十六夫歿時妾何氏年二十二生男士鑑甫週歲季與何同志撫孤始終不易乾隆十年請旌

職監凌家滋妻蔣氏無爲人夫歿氏年二十三撫育遺孤辛勤課訓跬步不出戶庭終日檢閱書史凡古列女紀載熟悉胸中後二子相繼早亡立孫承嗣尋鬱鬱以卒年僅五十一

夏日昌妻李氏無爲人年二十五夫卒生于雲璋甫五歲撫

育成立翁姑年老代夫終養苦節垂五十年州守韓開藩旌以額

崔瑤妻董氏無爲人年二十五夫卒子幼家貧矢志苦守撫孤成立備歷艱辛四十七年

唐文炳妻石氏無爲人文炳故氏甫年二十餘撫子守節歷三十三年學憲李鳳翥旌以額

陶奇生妻李氏無爲人年二十四夫死家貧撫育一子苦守三十餘年

庠生汪正豪妻諸氏無爲人歸汪不數年而夫歿遺孤應昂方二齡志凜冰霜課子成立未幾子復亡與媳王氏苦志共守遺孫之候之備鞠育成人署州事傅公暨州牧李公

俱旌以額

倪本圮妻孫氏無爲人年二十二夫死矢志撫孤國遠成立
孫曾繁衍壽八十有四

倪國璽妻方氏倪國雄妻徐氏俱無爲人國璽早卒方年二
十七矢志守節繼姪良森爲嗣國雄亦早卒徐年二十一
生子良森甫三歲已先繼姆方氏爲子娣姒同勵冰霜撫
一孤成立州守李廷煥旌其雙節江防同知王公純亦書
額旌之

魏光炳妻某氏無爲人年二十七夫病刲股救之不痊遺孤
甫數月撫育成人署州事李衍芳旌以額子復早亡其婦
劉氏撫三歲孤亦繼姑志

楊名標妻某氏無爲人年二十二夫故生子未滿月家貧無
依躬親井臼撫孤有成卒年七十九州守旌之

庠生金和妻潘氏無爲人夫死無嗣誓死守貞家貧女紅自
給苦節二十餘載而終年五十一

李時妻張氏無爲人年二十三夫卒生子仲杲僅三齡次子
榮在遺腹食貧茹苦撫孤有成厥後家道漸豐孫枝日衍
皆氏一人維持之卒年九十二

邵之標妻某氏無爲人年二十七夫病刲肱療之不起氏勵
志苦守事姑終養訓子有成艱辛五十七載卒年八十有
三署州事魏荔彤旌之

廩生袁楷妻方氏無爲人年二十七夫歿苦志守節教育二

子克繼父志卒年七十有三

趙開士妻唐氏無爲人年二十九夫歿飲冰苦守操作辛勤撫子成人年逾六十

潘兆祈妻陳氏無爲人年二十八夫病割肱療之不起氏矢志奉姑終養撫子有成卒年七十有一州牧張旌之

李廷鳳妻錢氏無爲人年二十九夫亡無依家貧子幼親操井臼撫孤有成卒年七十州守常旌之

芮以良妻李氏無爲人年二十七夫亡遺腹生子數月而死立姪爲嗣未幾翁姑繼逝嗣子復亡再立姪撫之已婚生子又溺于水年屆六十撫孤孫哭哭獨處安之以命鄉里咸欽敬之

某妻胡氏無爲人年二十一夫亡生子邦勸甫四歲家貧志苦守育孤成立卒年五十一

張國祥妻萬氏無爲人早寡家貧遺孤在抱氏時年甫十九代夫終養撫子成人署州事魏荔彤旌以額

監生陳道妻王氏無爲人事翁姑極孝年二十七夫病剖脰療之不起撫七歲孤成人署州事陳慶門旌其節孝

庠生陳端妻張氏無爲人年二十六夫亡長子甫四齡次子甫數月氏教養兼至

丁國藩妻劉氏無爲人年二十七夫亡家貧苦守撫週歲遺孤成立苦節四十六年

焦尙倫妻朱氏無爲人年二十夫死氏誓死守節左右姑側

代子職三十年里人咸稱其節孝

王大模妻張氏無爲人年二十五夫卒生子應鳴甫數月氏撫孤苦守姑病三載服侍湯藥無怠容及翁姑繼沒衣食兩艱而其志益堅後應鳴復早亡與媳何氏兩世孀居同撫穉孫成立

張萬春妻水氏無爲人年二十五夫歿翁姑俱已逝氏矢志苦守撫二叔成立爲完婚雍正十三年請旌

生員柏茂妻洪氏無爲人年二十七夫病刲肱救弗效欲以身殉念姑老子幼無託乃飲泣含辛奉甘旨終養撫藐孤成立守節三十餘年乾隆四年請旌

李士通妻王氏無爲人年二十五夫卒姑孀子幼氏辛勤養

育苦志歷三十餘年奉姑終養撫孤成立乾隆二年請旌
劉國寶妻李氏無爲人夫病刲肱以救卒不起氏時年二十
四家貧女工自給上奉兩世孀姑終養下撫二子成立苦
節三十一年乾隆三年請旌

楊士熙妻吳氏無爲人年二十二夫卒上有祖姑垂暮遺孤
萬仁甫三齡氏晨昏定省曲盡孝養教子義方守節三十
餘年乾隆四年請旌

徐鈞妻錢氏無爲人年二十五夫亡冰蘖自矢訓子業儒守
節四十餘年乾隆七年請旌

張翰妻徐氏無爲人事舅姑以孝聞年二十八夫故生遺腹
子撫育成立苦節三十年乾隆五年請旌

張時華妻周氏無爲人年二十二夫亡無子立姪爲嗣苦節
三十三年乾隆四年請旌

倪邦璉妻彭氏無爲人早年夫卒矢志守貞乾隆五年請旌
徐國瑞妻魯氏無爲人早年夫卒矢志守貞乾隆五年請旌
陳世延妻汪氏無爲人年二十五夫亡茹貧守志孝事翁姑
撫孤克思成立卒年七十有二

王國序妻陳氏無爲人年二十四夫歿止遺一女矢志守孤
立伯氏子爲嗣撫育有成苦節三十餘年

陳戢思妻李氏無爲人年二十七夫亡孝事翁姑終養撫三
幼子皆成立迨年六十餘諸孫林立且見曾孫焉

庠生葉正尉妻曾氏無爲人年二十七夫亡遺腹生子守捷

撫育有成卒年七十有五

姚剛益妻孫氏無爲人年二十八夫死守節州牧旌以額

周尙道妻王氏無爲人年二十八夫亡子遠孤幼氏矢志苦
守上事孀姑終養下撫遺孤成名署州牧陳慶門旌以額
方大元妻洪氏無爲人年二十五夫病刲股療之夫沒奉姑
苦守姑老且病藥餌親侍歷寒暑不衰

徐世傑妻方氏無爲人年二十四夫卒撫子貢芳苦守事舅
姑終養貢芳亦早卒其妻周氏年二十八朝夕姑側未嘗
歸寧州守韓繼先姚宗先先後旌之

俞起雲妻宋氏無爲人年二十四夫故無子苦節五十餘年
鮑殿賜妻徐氏無爲人年二十四夫卒遺腹生一女苦志守

貞年近六十

劉譽煒妻孔氏無爲人夫卒長子甫三齡次子在遺腹家貧苦守撫孤成立

唐智遠妻趙氏無爲人年二十七夫亡子復歿繼立一孫承嗣州守姚宗先旌之

楊君召妻俞氏無爲人年二十八夫卒遺孤希義甫七月家貧無倚苦節自甘撫子成立卒年六十有三

胡光映妻程氏無爲人年二十七夫亡子甫七歲氏含辛苦守撫子有成州守韓繼先旌以額

管茂怡妻周氏無爲人年十九適管五月而夫亡遺腹生子學校矢志立孤父母舅姑慮其年少欲奪其志氏引刀誓

死乃止苦守三十二年而卒

生員李樹妻王氏無爲人年二十一夫亡撫孤苦守歷盡艱辛卒年六十有七

周正卿妻胡氏無爲人年二十五夫亡無子苦志守貞紡績自給

葉時衍妻譚氏無爲人年二十夫亡家貧子幼姑勸令改適氏堅志不從終身茹苦

丁振育妻伍氏無爲人年二十四夫亡子甫週歲撫孤守節垂四十年州守何經業旌以額

湯志旦妻邢氏無爲人年二十五夫卒矢志守貞敬事翁姑撫孤成立

周應昇妻胡氏陶大周妻朱氏徐大偉妻錢氏岸生張書昇妻何氏錢桂妻仰氏余德挺妻畢氏俱無爲人皆少年苦節撫孤有成

張繼善妻劉氏無爲人夫病刲股救之不痊時年二十翁姑垂暮遺孤在抱氏矢志苦守代夫終養教子有成後孫枝蕃衍咸謂苦節之報州守張錦旌之

宋可展妻邢氏無爲人年十三姑病篤氏往侍湯藥暗刲股肉進之姑獲愈遂畱侍姑江防同知陳文燭旌以奇孝天成年十八始婚二十六夫卒生子纔十日氏撫孤苦守垂四十餘年

史應蛟妻程氏無爲人年二十七夫卒遺孤甫二齡氏矢志

苦守撫孤成立年逾六十乾隆十年請旌

楊世潤妻呂氏無爲人年二十七夫卒生子士恒僅五歲氏辛勤苦守撫子成名江防同知王繩旌以額

庠生朱上妻程氏無爲人上卒氏年二十八遺二女矢志苦守終始不易

俞之揚妻朱氏無爲人年二十六夫卒子幼家貧撫孤苦守侯度恭妻阮氏無爲人年二十五夫卒上事孀姑終養下撫二子成立苦節四十二年

盧德溥妻吳氏無爲人年十四歸盧事翁姑極孝夫病刲股以救不痊氏辛苦持家撫孤惟時成立學憲鄭江旌之朱應采妻李氏無爲人夫亡氏有娠甫三月矢志不貳閱七

月生子可蕃撫育成立矢節五十一年乾隆十七年請旌
張道暹妻李氏無爲人年二十一夫亡無子矢志守節州守
韓繼先旌以額

鄭逢義妻張氏無爲人年二十四夫卒無子立胞姪英瑞爲
嗣矢志苦守三十餘年英瑞復早亡氏偕媳齊氏撫育孤
孫清操同勵

徐大勲妻董氏無爲人夫死矢志守貞四十餘載州守朱肇
基旌以額

徐來宣妻楊氏無爲人年二十適徐甫一載夫卒遺腹生子
恒苦節自守育孤成立終身不出戶庭

陸昌煥妻趙氏無爲人年二十七夫卒生子甫六歲家貧無

倚矢志靡他

湯志祖妻朱氏無爲人年二十五夫歿無子以從姪益言爲嗣益言復早死其婦朱氏遺腹生子大經姑婦相依同撫弱息後婦復先亡氏惟穉孫是倚伶仃孤苦備歷艱辛

王承緒妻劉氏無爲人夫亡年甫二十遺孤世禮方在襁褓家極貧氏上奉太姑及舅姑孝養葬祭如禮撫子成立無何子又歿遺一孫亦歿境彌苦志彌堅始終一節云

魏士勲妻朱氏無爲人夫早逝遺二孤氏年二十八辛勤撫育內外肅然

陳世珍妻吳氏無爲人早年夫卒子幼家貧氏辛勤撫孤事姑極孝人稱其賢

古學儀妻朱氏無爲人年二十三夫歿遺孤尙幼氏矢志孝
事翁姑翁病刲股以救獲痊守節閱三十年乾隆九年請
旌

楊士培妻劉氏無爲人年二十三夫死家貧誓死不二日勤
紡績撫育遺孤士培其伯澤遠嘉氏苦節分田宅贍之以
成其志

周嶽妻閻氏無爲人年二十七夫故矢志苦守教子成立至
二十三歲而亡與媳陳氏共撫二孫辛勤備至

伍杰妻丁氏無爲人夫病篤刲股救之不愈氏時年二十九
生子紳甫三歲清節苦守撫孤成立

徐啓孝妻夏氏無爲人年二十二夫卒生子宗柳方週歲苦

節自甘撫孤成立

何希祐妻俞氏無爲人年十七夫病刲股療之不愈夫死斷髮自矢苦節終身

陳世信妻張氏無爲人年二十一夫死子復歿氏苦節自守乾隆十三年請旌

陳世星妻王氏無爲人年二十夫卒子甫週歲矢志苦守孝事孀姑姑久病服侍湯藥踰年無怠容撫孤凝道成立學憲嵩公給額旌之

陳世茹妻裴氏無爲人夫卒氏年十九誓死守志世茹弟世菩亦早死其妻徐氏年二十三娣姒相依同勵冰操敬事孀姑撫子成立乾隆八年請旌

陳正朋妻程氏無爲人年二十五夫卒無嗣矢志苦守

陳正祿妻周氏無爲人年十八歸陳逾年夫歿矢志不二孝

事孀姑

貢生朱篁妻程氏無爲人年二十八篁卒氏苦守撫孤州守

常公旌以額

仰世培妻吳氏無爲人夫歿氏年甫十九矢志守貞孝事孀

姑撫孤成立州守朱肇基旌以額

楊麟生妻沈氏監生許亮伍妻沙氏丁健六妻巫氏無爲人

俱少寡守節撫孤成立

許家振妻吳氏無爲人年二十國夫亡守節二十七年乾隆

十二年請旌

劉天葵妻沈氏無爲人夫卒年卅九與婦姑下氏同居家
氣相守茹苦不移

吳國瑛妻宋氏無爲人年二十夫亡子元斌甫二歲矢節撫
孤迄於成立

王旬妻劉氏無爲人旬未婚已患癩疾其父請於氏父宗御
曰吾子已成廢人不若以媵婢代之無誤君女氏聞之自
其父曰命也卒歸王未幾旬歿氏立從姪以承夫嗣清操
自勵矢志不移

監生沈昱妻劉氏無爲人劉宗御之次女年二十六昱卒生
子世勳僅三歲氏清節自守撫孤成名

劉日安妻錢氏無爲人宗御之家媳年二十七夫亡子復歿

宗御之仲子曰兆亦早卒其妻謝氏年二十四未有子娣
姒相依同勵苦節

周光瑞無爲人妻方氏巢縣人適周甫二載而夫歿生子未
週歲家極貧氏紡績自給撫孤成立

監生周光敬妻張氏無爲人光敬早歿氏年二十五生子甫
數月其長子係側室蔣氏出氏孝事翁姑養生送死下撫
兩孤蔣氏亦矢志金石氏待之如娣姒焉

張延鐘妻阮氏庠生阮謀女無爲人年二十一夫亡生子甫
三月苦志守貞撫孤成立

施以文妻陳氏無爲人年二十一夫卒生子甫數月矢志苦
守善事孀姑撫孤成立

朱世琪妻馬氏無爲人年十八歸朱逾兩月夫卒家極貧氏茹苦自守矢志不移

監生張均妻王氏無爲人年二十八夫死守節事孀姑孝養教兩子皆成立白首冰操內外無間

某妻張氏無爲人年二十五夫歿家極貧子幼氏苦志守貞撫孤成立

吳必璣妻陳氏戴大貴妻馬氏無爲人俱夫亡甘貧苦節

張世宗妻倪氏無爲人年二十一夫卒子甫週歲姑老家貧堅貞自矢紡績度日姑臥病久服侍湯藥數年無怠容

王朝佐妻孫氏無爲人年二十五夫沒翁姑早逝伯叔靡依孀孀獨居冰操日勵撫孤邦福成立家道克增

陳世蔭妻姚氏無爲人年二十一夫卒無子矢志靡他立姪
尚熬爲嗣撫育成立苦節終身

倪彥輔妻錢氏無爲人年十九夫卒立姪仲紀爲嗣上事孀
姑下撫嗣子晚歲孫枝林立咸謂節孝之報

庠生吳自東妻周氏無爲人年二十六夫歿翁姑衰老生子
甫三日氏泣拜棺前曰妾不敢死矣乃舍辛誓守代夫終
養撫孤有成州守常公旌以額

汪有屨妻朱氏無爲人年二十適汪奉養翁姑養備至年二
十八夫亡遺孤良宗甫五歲撫之成立教以義方

庠生關廷獻妻季氏無爲人年二十八夫亡長子甫三歲次
子在遺腹氏上事翁姑下育幼子茹苦食貧矢志不變數

十年間殯葬婚娶咸稱禮焉

錢復蓉妻李氏無爲人年十三喪母事父至孝年二十歸錢越一載夫沒生女甫四月矢志苦守後女嫁未久亦亡孤苦伶仃艱辛備極歷二十餘年而終

錢永增妻張氏無爲人年二十五夫卒子女俱無矢志苦守敬事翁姑立週歲堂姪爲嗣紡績資生撫之成立

胡天相妻賴氏無爲人年十九夫死生子甫週歲氏剪髮自誓孝事孀姑撫孤成立

季任材妻沈氏無爲人年二十適季逾年夫亡無子克勵冰操獨居一室奉夫神主朝夕拜奠數十年無少間焉乾隆十八年請旌

季廣臣妻葉氏無爲人年二十四夫卒遺孤二長三齡次數月氏凜冰操治家嚴肅撫子成立克守家風

徐來宗妻劉氏無爲人年二十六夫亡無子徐來官妻季氏亦十九而寡無子姑老家貧婦姒相依同勵苦節數十年如一日

倪廷翰妻關氏無爲人年二十五夫亡生子仲聯甫週歲矢志苦守足跡不出戶庭孝事孀姑撫孤成立

倪世續妻賈氏無爲人于歸月餘姑病刲股療之獲愈年二十一夫亡無子矢志苦守繼立堂姪爲嗣姑卒奉養庶姑三十餘載無閒言鄉人稱其節孝

監生汪有成妻范氏無爲人年十九夫亡子世桂方在襁褓

矢志堅貞撫孤成立乾隆二十年請旌

吳來友妻邢氏無爲人年二十八夫卒長子合珠次子合璉俱幼氏矢節苦守上事繼姑極孝下育兩孤有成

李承簡妻董氏無爲人年二十一夫病刲股以救不愈子宗爽纔數月辛勤苦守孝事翁姑撫孤成名

監生汪本全妻江氏無爲人年二十五夫卒遺二女矢志苦守立堂姪元仁爲嗣撫育成名

陳昌妻蕭氏無爲人年二十夫卒生子世寧未週歲矢志苦守撫孤成立

朱國宏妻季氏無爲人年十八歸朱逾年夫歿無子矢志不移

管學魁妻夏氏無爲人年二十一夫亡遺孤宏啓方在襁褓氏矢志苦守撫孤成立

方森妻王氏無爲人年十八夫亡無子矢志奉養翁姑苦節二十五年而終

劉居宐妻侯氏無爲人年十九夫卒生子甫週歲矢志苦守撫孤成立

監生季志明妻奚氏無爲人年二十三夫病刲脰以救不愈氏矢志苦守姑病復刲脰以救獲愈遺孤國輔甫二歲撫育成立卒年五十有六

生員汪述尹妻郭氏無爲人年二十六夫病祝天刲股及夫卒子潤尙未週晬氏矢志苦守備歷艱辛撫孤子成立卒

年七十有五

孔繼周妻袁氏無爲人年十七歸孔十九夫卒遺腹生子廣德氏矢志苦守孝事翁姑撫孤成立

季之楨無爲人側室鄭氏金陵人年十七歸楨楨得癩疾喜愠無常氏辛勤服侍絕無怠容閱數年而楨卒嫡高氏憐其年幼無出勸歸母家氏矢志與嫡同守朝夕相依終始不易

陸飛隆妻倪氏無爲人年二十夫卒遺腹生子培氏矢志苦守撫孤成立

王秉乾妻晏氏無爲人年二十七夫亡長子嘉愷方數齡次子嘉鴻甫週歲矢志節苦守訓子成名

生員齊賢妻劉氏無爲人年二十九夫故家貧苦守長子登
讀書亦早死妻路氏年二十七子甫數齡隨姑苦守歷二
十七年卒

李林妻汪氏無爲人夫卒年甫二十矢志守貞撫孤宗膺成
立娶媳錢氏閱數年而宗膺亦死子在襁褓錢事姑育子
備極艱辛州牧李廷煥旌以額

生員王策妻周氏無爲人年二十六夫亡撫子廷舉成立署
州事張安國錫額旌之後廷舉亦死其妻朱氏年甫十九
事姑撫子克勵冰操

監生錢朝掄妻袁氏無爲人年十八歸錢未兩月而夫卒氏
矢志苦守克盡孝思伯翁錢永嘉義之以已孫先登爲之

嗣乾隆十年請旌

陳鑒欽妻閻氏無爲人年二十一夫亡子未彌月守節不移
秦士慎妻曹氏無爲人夫病刲股合藥飲之獲愈逾二載夫
復病氏刲左股見骨暈幾絕士慎知之泣不忍食遂卒氏
年二十三子基元尙幼家素貧矢志苦守紡績課子壽八
十一

賈受妻朱氏無爲人年二十九夫卒矢志節撫孤事衰翁盡孝
晏姪立中妻李氏年二十八而寡亦敦節操立中子復早
死媳葛氏年二十依姑苦守亦矢志不移

吳球妻陳氏無爲人年二十一夫死守節乾隆十七年請旌
嗣子志棟亦早死其妻陳氏年二十七守節以終

吳瓊妻鄧氏無爲人夫卒無子氏年二十六苦節自甘隣里族黨咸欽敬之

陳日熬妻倪氏無爲人夫死守節乾隆十七年請旌
潘國勳妻楚氏無爲人夫卒無子氏甘貧守節代夫終養終身無笑容足跡不履戶外乾隆十八年請旌

庠生夏炳妻金氏無爲人年二十八夫死守節四十餘年

增生夏日清妻劉氏無爲人其父嘗爲仇所刺傷胸氏割股和藥得甦及夫病復割股療之稍痊延三載乃卒氏矢志冰霜課子孫皆成立親族將上其事氏力止之遂未果請
薛孟球無爲人妻徐氏含山人年二十四夫病割股療之卒不起氏矢志守節三十餘年

州同沈昂側室潘氏無爲人年二十七昂卒守節後子杰培
又卒媳季氏年二十一亦善承姑志兩代孀居冰霜其凜
湯昌大妻秦氏無爲人年二十一夫死撫遺腹子曰義稍長
又亡媳陳氏年二十一孤苦相依克紹姑志

徐永源妻范氏無爲人年二十三夫卒守節姑以刲股救翁
致手拘攣飲食不能自進待氏以哺氏親侍養殯至老不
懈撫孤成立苦節四十餘年乾隆四十年請旌

楊國鼎妻劉氏無爲人年二十五夫卒守節後二子繼亡寡
媳幼孫茹苦六十餘年乾隆五十五年請旌

錢亮臣妻劉氏無爲人年二十八夫卒苦節四十六年孫克
燮妻葉氏年二十四夫卒矢志冰操亦善承祖姑志焉

江鎮妻文氏無爲人年二十五夫卒苦節四十餘年

薛應芳妻方氏無爲人年二十八夫卒守節三十九年

監生魯國寶妻方氏無爲人年二十八夫卒苦節四十餘年

盛肇昇妻沈氏無爲人年二十八夫卒苦節三十餘年

胡璵妻盛氏無爲人姑早寡多疾兩日俱盲氏事之盡孝及

璵卒氏年甫逾二十與妾張氏苦守州牧給匾旌之

黃在田妻蔣氏無爲人姑病臂到股療之夫病亦然俱獲痊

越五載夫繼姑沒氏年二十五矢志苦守三十餘年

施堯則妻范氏無爲人年二十四夫卒苦節三十五年

何起鳳妻張氏無爲人年二十八夫卒苦節三十年

張永寧妻鄭氏無爲人年二十七夫卒守節

鍾國星妻曾氏郭之楷妻陳氏俱無爲人少寡守節

季國穎妻吳氏無爲人年二十九夫卒矢志苦守節國顏亦
早死其妻呂氏年二十五亦守節

貢生胡克英妻張氏無爲人年二十二夫卒苦節四十餘年
汪元瀚妻黃氏無爲人年二十六夫卒守節三十年
許永年無爲人妻程氏徽州人夫卒苦節三十餘年

監生張國寶妻潘氏無爲人年二十九夫卒苦節四十餘年
監生湯大本妻錢氏無爲人適湯一年而寡苦節四十餘年
江世澄妻鮑氏無爲人年二十二夫卒守節六十七年

徐光仕妻邢氏無爲人年二十六夫卒守節

監生季鶴舉妻楊氏無爲人年二十六夫卒翁姑先逝于母

旣苦節三十餘年乾隆四十五年請旌

胡昌邦妻吳氏無爲人年二十二夫卒守節

楊殿英妻耿氏無爲人年二十四夫卒苦節三十餘年

楊士雍無爲人妻吳氏含山人少寡守節五十餘年

戴正舉妻邢氏無爲人年二十一夫死矢節乾隆七年請旌

庠生戴正綱妻汪氏無爲人年十九夫卒苦節自守六十四

歲卒

太學戴天爵妻徐氏無爲人年二十八夫卒守節郡守王宸旌以額

戴時延妻程氏無爲人年十九夫卒守節三十八歲卒

楊任文妻朱氏無爲人年二十六夫卒守節媳黃氏二十四

歲而寡亦守節不移

秦聰遠妻吳氏無爲人年二十六夫卒苦節四十三年
劉宗藩妻錢氏無爲人年二十六夫卒苦節四十五年
湯咸懷妻夏氏無爲人年二十九夫卒苦節五十一年
李承詔妻錢氏無爲人夫死守節

錢永年妻李氏無爲人夫死苦節四十餘年

汪愷士妻芮氏無爲人年二十七夫卒守節五十二歲卒

楊任遠妻朱氏無爲人年二十九夫卒守節媳蕭氏亦年二

十二少寡守節

王仰曾妻朱氏無爲人年二十七夫卒苦節四十餘年

劉稗廉無爲人妻曹氏巢縣人夫死苦節四十三年

監生唐範治妻劉氏無爲人年二十二夫死苦節三十餘年
劉萬寧妻沈氏無爲人善事孀姑克盡婦道年二十五夫病
刲股者三夫卒守節州牧張僑旌以額

劉國鉉妻杜氏無爲人年二十三夫卒苦節三十餘年
邢自振妻孫氏無爲人年二十七夫卒苦節三十餘年
陳叔旦妻汪氏無爲人年二十夫卒守節壽八十四

葉茂培妻高氏無爲人年二十八夫卒苦節五十六年
周恩來妻陳氏無爲人年二十九夫卒苦節三十五年

周國寶妻王氏無爲人年二十七夫卒苦節二十年

周漢傑妻倪氏無爲人年二十七夫卒苦節三十餘年

路林生妻袁氏無爲人年二十三夫卒守節四十二年

徐應鰲妻翟氏無爲人年二十一夫卒苦節自守州牧給匾旌之

吳守仙妻王氏無爲人年二十五夫卒苦節五十年

吳允麟妻陳氏無爲人年三十夫卒守節

周之秀妻李氏無爲人年十七夫卒苦節六十年州牧額旌以額

吳之爵妻古氏無爲人年二十八夫卒苦守三十八年

吳之易妻劉氏無爲人年二十六夫卒苦節三十三年

吳允襄妻蕭氏無爲人年二十三夫卒茹荼數十載郡守州

牧俱旌以額

毛武烈妻張氏無爲人夫病刲股和藥年二十七夫卒苦節

三十餘年州牧馮旌以額

吳之諺妻張氏無爲人年二十六夫卒苦節五十七年州牧
韓旌以額

吳之增妻周氏無爲人年二十五夫卒苦節三十九年

吳之尙妻王氏無爲人年二十六夫卒苦節五十九年

伍光清妻張氏無爲人年二十七夫卒苦節三十餘年州牧
嚴旌以額

伍濂妻潘氏無爲人年二十六夫歿守節終身

伍光洋妻張氏無爲人年二十五夫卒茹荼自守善事翁姑
苦節二十六年

吳之繪妻金氏無爲人年二十八夫卒苦節四十六年

吳一橫妻倪氏無爲人年二十五夫卒苦節四十二年

吳一壽妻汪氏無爲人年二十八夫卒苦節四十餘年

吳守鼎妻鄭氏無爲人年二十三夫卒苦節四十八年州牧

給匾旌之

吳守秀妻蔣氏無爲人年二十九夫卒苦節至八十二歲卒

州牧給匾旌之

陳應策妻任氏無爲人年二十一夫卒苦節至七十四歲卒

陳應忠妻萬氏無爲人年二十三夫卒苦節至八十二歲卒

吳允浚妻張氏無爲人年二十七夫卒苦節至七十七歲卒

吳允椿妻胡氏無爲人年二十五夫卒苦節至七十七歲卒

州牧范旌以額

庠生錢繼灝妻李氏無爲人年二十八夫卒守節至八十四歲卒

錢象棟妻范氏無爲人年二十二夫卒守節後遇家難舅姑伯叔相繼而死氏秉義育孤似續賴以不墜

路得明妻管氏無爲人年十九夫卒苦節三十餘年

吳錫晉妻黃氏無爲人年二十一夫卒苦節五十七年州牧張國楨旌以額

吳元龍妻汪氏無爲人年二十九夫卒苦節至七十七歲卒方行五妻高氏無爲人年二十夫卒苦節四十三年

方純一妻張氏無爲人年二十一夫卒家極貧苦節自矢三十八年

劉廷顛妻何氏無爲人年二十五夫卒守節二十九年乾隆十五年請旌

陳雲龍妻汪氏無爲人年二十六夫卒守節至五十三歲卒劉俊妻季氏無爲人年二十七夫卒苦節三十餘年媳丁氏亦少寡守節

庠生劉鉉妻蕭氏無爲人年二十九夫卒苦節四十餘年監生劉烈妻魏氏無爲人年二十七夫卒苦節三十餘年其姆蕭氏亦以節稱

周良鳳妻楊氏無爲人年二十九夫卒守節三十四年州牧李廷煥旌以額

邱序賓妻周氏無爲人年二十一夫卒苦節四十餘年

何世應妻賈氏無爲人夫卒茹藥自守數十年如一日
吳之賢妻馬氏無爲人年二十六夫卒苦節四十六年
吳之瑾妻林氏無爲人年二十六夫卒苦節三十餘年
范有寬妻蔡氏無爲人年二十九夫卒苦節四十餘年
國學蔣念祖妻張氏無爲人年二十六夫卒苦節四十餘年
汪東來妻王氏無爲人年二十四夫卒苦節四十餘年
庠生吳允珩妻鄭氏無爲人年二十五夫卒守節其子之雯
亦早卒媳王氏年二十七亦守節未幾孫必中又早卒孫
媳魯氏年二十五亦矢志冰霜善承姑志

楊恒周妻凌氏無爲人年二十九夫卒苦節四十餘年
吳之傑妻汪氏無爲人年二十六夫卒苦節五十年

汪羽獵妻朱氏無爲人年二十八夫卒苦節四十年

吳之本妻謝氏無爲人年二十四夫卒苦節五十四年

吳必岐妻范氏無爲人年二十五夫卒苦節四十八年

吳必承妻姜氏無爲人年二十九夫卒苦節四十七年

李大奎妻吳氏無爲人年二十四夫卒苦節三十餘年

朱可捷妻劉氏無爲人年二十九夫卒苦節至七十七卒

吳必煌妻魯氏無爲人年二十六夫卒苦節四十四年

吳之上妻魏氏無爲人年二十九夫卒苦節三十餘年

張正音妻邱氏無爲人年二十四夫卒苦節五十二年乾隆

三十七年請旌

仇士綬妻江氏無爲人年二十七夫卒苦節四十餘年

監生江梁妻程氏無爲人年二十一夫卒苦節三十餘年

吳必均妻黃氏無爲人年二十三夫卒苦節數十年如一日

吳必鍾妻劉氏無爲人年二十三夫卒苦節四十八年

李勗妻某氏無爲人年二十一夫卒苦節三十餘年

監生李馨妻劉氏無爲人年二十八夫卒苦節四十餘年

監生蕭萬源妻朱氏無爲人年二十夫卒無子守志二十年

卒乾隆四十年請旌

吳一洪妻倪氏無爲人年二十五夫卒姑衰子幼苦節三十

七年乾隆三十七年請旌

吳一泓妻許氏無爲人年二十五夫卒苦節四十九年

安魁林妻周氏無爲人年二十七夫卒苦節六十年乾隆九

年請旌

陳如山妻李氏無爲人夫亡守節九十餘歲卒

陳宇文妻任氏無爲人年二十四夫卒守節壽近八旬

陶太永妻伍氏無爲人夫死茹苦守節數十年如一日

陳謙吉妻李氏無爲人年二十八夫卒守節年至八十餘

蕭觀有妻范氏無爲人年二十二夫卒苦節三十餘年

孔廣才妻盛氏無爲人年二十三夫卒苦節三十餘年

李國佐妻吳氏無爲人年二十七夫卒守節年至七十餘

吳國輝妻羅氏無爲人夫遠賈數十年不歸氏年二十事上

育下至六十七歲卒節操凜然

黃泐章妻徐氏無爲人年二十四夫卒苦節三十餘年

倪志賢妻楊氏無爲人年二十二夫卒苦節五十餘年

李振遠妻夏氏無爲人年二十八夫卒苦節三十餘年

監生蕭源川妻朱氏無爲人夫卒苦節四十年

許承紳妻張氏無爲人年二十六夫卒苦守四十七年

夏序章妻周氏無爲人年二十七夫卒苦節三十二年

胡大恒妻邢氏無爲人年二十二夫卒苦節三十年

范起鳳妻金氏無爲人年二十二夫卒苦節三十餘年

桑之麟妻朱氏無爲人夫死矢志苦守終身不移

郡庠生劉日諧妻方氏無爲人年二十九夫死守節終身

呂士英妻倪氏無爲人年二十三夫卒苦節三十年

監生黃培蓮妻吳氏無爲人年二十五夫卒守節乾隆十一

年請旌

鄭福殷妻李氏無爲人年二十六夫卒矢志後以老壽終
王必簡妻錢氏無爲人年十九夫卒苦節四十年

監生陳有全妻王氏無爲人年二十七夫卒守節清操不二
監生夏加位妻張氏無爲人年二十五夫卒苦節四十餘年
嘉慶三年請旌

監生于斌妻王氏無爲人年二十八夫死守節事翁姑皆以
壽終性慈祥樂善鄉里貧乏者多周之乾隆四十五年請
旌

馮志瀛妻彭氏無爲人年二十四夫卒守節婦居殘瞽氏奉
之極盡孝養時鄰家不戒於火延燒姑室氏冒火負姑出

得不死人驚爲神相焉乾隆四十五年請旌

張之楷妻邢氏無爲人年二十歲夫死遺腹生子不育苦節
自守乾隆四十七年請旌

監生夏梓妻于氏無爲人年十九夫卒守節四十二年嘉慶
二年請旌

庠生宋大仲妻劉氏無爲人年二十二夫卒守節奉姑鞠子
孝慈兼盡族里咸欽敬之

宋正榮妻周氏無爲人年二十五夫卒苦節二十餘年

宋允昌妻湯氏無爲人年二十四夫卒苦節二十餘年

宋彩玉妻邢氏無爲人年二十二夫卒苦節三十餘年

劉宗瑞妻謝氏無爲人年十九夫卒苦節三十七年

魯克齣妻劉氏無爲人年二十九夫卒苦節二十年而卒子繩業年甫十三曾割股救母州牧張僑旌之曰母貞子孝監生呂之才妻吳氏無爲人夫早卒苦節三十餘年

監生張殿瓚妻陳氏無爲人年二十八夫卒苦節三十餘年卑之門妻劉氏無爲人年二十一夫卒苦節三十餘年

劉國訓妻周氏無爲人年二十八夫卒苦節三十餘年

以上無爲志

王璩妻黃氏巢縣人年二十四夫死守節卒年七十五

李初春妻王氏巢縣人年二十五夫死守節六十餘年邵院給匾旌之

趙恆壽母方氏巢縣人年二十八歲夫故恆壽纔四歲氏矢志撫孤迄于成立

崔傳美妻許氏巢縣人年二十四守節毀容深居三十餘年親族未有見其面者

生員曹肇鎬妻陳氏巢縣人年二十五歲夫亡守節終身

莘吉朗妻錢氏巢縣人年十九夫死矢志撫孤三十餘年

張國綸妻方氏巢縣人國綸死氏年二十八歲無子孀姑在堂氏茹苦守節垂四十年

張問明妻阮氏巢縣人年二十八夫亡守節壽至八十餘歲

湯潭普妻王氏巢縣人年二十夫亡守節姑病割股療之

生員蔡杭妻楊氏巢縣人杭早逝氏年廿八守節明崇禎乙

亥流賊陷城氏被掠乘間投井若有物負之不得沈賊隨至下石六比竟不死賊去鄰人繩之出後全節終身

閻熙妻張氏巢縣人夫卒氏年廿六食貧苦節子嗣義會割股以療母病

張爾久妻胡氏巢縣人爾久早逝氏年廿四矢節終身
李福汝妻朱氏巢縣人年二十三夫死無嗣苦節自守壽八十而終

閻宏皓妻蕭氏巢縣人夫死氏年二十一生子嗣表方二旬奉姑撫子雍正五年請旌

汪君聘妻王氏巢縣人年五十九夫死子禹南亦早死與媳黃氏苦節其守雍正七年請旌

廩生翟承璉妻周氏巢縣人年十九夫故守節四十餘載生員褚英妻胡氏巢縣人年二十夫亡守節五十六年雍正

七年請旌

吳履祐妻沈氏巢縣人年二十適吳未二載夫死守節四十三年雍正七年請旌

趙秀林妻張氏巢縣人年二十七守節至七十六歲雍正七年請旌

生員翟永蔚妻吳氏巢縣人年二十一適永蔚永蔚早死氏守節四十餘年乾隆三十七年請旌

楊荃妻湯氏巢縣人夫死氏年二十四矢節撫孤年六十餘卒

生員黃文蔚妻曾氏巢縣人年二十七夫歿矢死自守苦志三十七年

生員沈際亨妻湯氏巢縣人年二十一夫歿苦節四十五年
媳單氏年二十二亦少寡守節二十五載與湯相繼卒
張鳴陽妻奚氏巢縣人年二十八夫亡守節壽六十有四
方以靖妻洪氏巢縣人年十八夫亡守節剪髮自誓年四十
餘卒

生員萬瑋妻吳氏巢縣人年二十八夫死守節後其長子廷
柱亦早死媳尹氏守節如其姑

莢開祚妻曹氏巢縣人年廿七夫死守節年八十七卒

趙嗣盛妻張氏巢縣人年二十二通嗣盛閨四載夫亡苦節

三十一年卒

丁儒尙妻周氏巢縣人年二十八夫亡守節鄉里稱之

生員陳虞英妻陶氏巢縣人年二十夫卒苦節五十五年

生員葛藹妻湯氏巢縣人年二十夫死媳陶氏亦少寡均

以節著

魯泗源妻濮氏巢縣人年廿四而寡里人謀強娶之婦持刀自截其耳乃止苦節四十八年

曹飛羣妻陶氏巢縣人年二十四夫死守節苦節三十五年
國學向杜妻沈氏巢縣人年二十三夫死守節事姑李氏至
孝

生員吳士价妻許氏巢縣人年二十五夫死守節子膺任羅
山長寧兩邑宰有賢聲人以爲母教所致云

何秉恆妻李氏巢縣人年二十夫卒守節奉公姑訓幼子歷

二十五年

太學周洪績妻吳氏巢縣人年廿七夫死氏茹苦守節誓死不移

生員劉爲龍妻沈氏巢縣人年廿四夫亡子嗣麟亦早死苦節四十二年

太學沈宗義妻吳氏巢縣人年廿二夫死苦節二十九年
程宏達妻吳氏巢縣人年二十夫病刲股療之竟弗愈氏茹苦守節年至七十九

李應長妻嚴氏巢縣人年二十七夫死守節壽八十一
陸繼淵妻楊氏巢縣人年二十七夫歿守節終身

趙靜人妻王氏巢縣人年二十五夫死苦節四十餘年

生員閻燕吉妻李氏巢縣人年二十七夫死守節苦志四十三年

濟南守張肯穀側室楊氏巢縣人年二十四夫死守節四十四年

生員陳怡妻童氏巢縣人生子可樂數月而寡時年二十五截髮自誓苦節三十八年

楊虞符妻陶氏巢縣人年二十八夫亡苦節三十九年
項麟生妻黃氏巢縣人年十九夫亡苦節三十一年

生員薛景奎繼室詹氏巢縣人年二十八夫歿矢志不二節

操凜然

李定九妻葛氏巢縣人二十八歲夫亡苦節四十九年

陶念修妻潘氏巢縣人年二十通修未三月夫故氏剪髮自誓苦節二十九年

廩生周鎮妻葉氏巢縣人年二十夫亡守節三十餘年

尹吉士妻郭氏巢縣人夫亡氏二十二歲守節後子歿孫又殤氏與媳倪氏相依苦守者數十年

孫毓敏妻張氏巢縣人夫歿氏年二十三守節五十餘年

楊緒若妻曹氏巢縣人年二十夫死苦節四十八年

賈輔之妻呂氏巢縣人年二十七夫亡守節六十餘年

湯澤長母凌氏巢縣人年二十七夫亡苦節四十三年

生員葉正淑母王氏巢縣人年二十六夫歿守節五十餘年

嘗兩次割股以療翁姑病年至八十

趙子林妻張氏巢縣人年二十五夫歿守節三十餘年

葉灝母汪氏巢縣人年廿四夫死苦節二十年

方九鼎妻趙氏巢縣人年二十六夫死苦節二十六年

生員王朝班妻李氏巢縣人年十九夫死守節四十九年

李時傑妻劉氏巢縣人年二十五夫死守節五十七年

劉錫裔妻湯氏巢縣人年二十二夫歿守節三十四年

袁星妻周氏巢縣人年二十七夫死守節七十三卒

方輔臣母翟氏巢縣人年二十八夫故苦節三十餘年

魏樹彩妻張氏巢縣人年二十三夫歿苦節三十四年

耿必徵妻楊氏巢縣人年十八適耿甫二載夫死苦節二十

九載

李谷香妻周氏巢縣人年三十夫亡守節七十五歲卒

方芝妻張氏巢縣人年二十一夫亡子復殤苦節四十八年

秦懋昭妻陳氏巢縣人年二十四夫死苦節四十四年

秦侶之妻李氏巢縣人夫歿年二十七誓死不二五十二歲

卒

袁國熊妻楊氏巢縣人年二十七夫亡守節年七十卒

生員張致妻陶氏巢縣人年二十五夫歿守節年至八十四

翟公昭妻濮氏巢縣人年二十六夫歿苦節四十餘年

張慧妻王氏巢縣人年十九守節奉孀姑盡孝閭閻肅然

徐宏清母孫氏巢縣人年二十六夫亡守節年至七十二

周次墳妻楊氏巢縣人夫歿年二十一守節二十三年卒

祝倫軼妻周氏巢縣人夫死年二十勵志堅守清操凜然

沈遜妻陳氏巢縣人年二十夫死生子甫一月家貧守志苦

節二十五年卒

李連三妻翟氏巢縣人年十九夫死苦節三十年

周天穎妻錢氏巢縣人年二十四夫亡無子苦節四十年

湯錫衡妻潘氏巢縣人年二十四夫死守節三十餘年

李存葵妻李氏巢縣人年二十四夫亡苦節自守

倪芹三母陳氏巢縣人年二十八夫歿苦節三十餘年

鄭永忠母周氏巢縣人年二十八夫亡苦節四十六年

楊玉先母李氏巢縣人年二十七而寡守節四十六年

李維因妻楊氏巢縣人年二十夫亡守節三十年

生員張鑑妻蔡氏巢縣人年二十九夫死苦節三十餘年

吳興三妻黃氏巢縣人年十七夫死苦節終身

宋秉良妻陶氏巢縣人夫歿氏年二十七苦節終身

李龍生妻沈氏巢縣人年十九夫亡苦節自守

李美如妻孫氏巢縣人年二十七夫亡苦節三十一年

生員李鳴鸞妻孔氏生員葉潛妻方氏尹世方妻陶氏袁子

加妻錢氏周麟妻洪氏錢子佳妻屈氏鄭肇石妻程氏生

員張爰錦妻楊氏王友祥妻崔氏謝承九妻俞氏尹鎮繁

妻韓氏湯羽恆母趙氏俱巢縣人皆少寡守節

單秀章妻王氏巢縣人年二十二夫死甘貧守節鄉里賢之

林子蔭妻雷氏巢縣人年二十三夫亡守節七十五歲卒

湯君懷母谷氏巢縣人年二十九而寡苦節終身

金公調妻邵氏巢縣人其子又韓妻潘氏皆少寡守節

鄧華實妻王氏巢縣人年二十四夫亡守節

趙又尹妻曹氏巢縣人年二十三夫亡守節

趙少悅妻徐氏巢縣人年二十八夫死守節

洪大行妻葛氏巢縣人年二十七夫死守節

生員唐善世妻閻氏巢縣人年二十六夫死守節

俞旬侯妻秦氏巢縣人年二十三夫亡守節清操不二

徐洪勳妻江氏巢縣人年二十七夫死守節

國學張棣妻劉氏巢縣人夫死西蜀氏年二十九守節終身

葉騰南妻蔡氏巢縣人年二十九夫死守節

方文石妻徐氏巢縣人年十九夫死守節

吳宰臣妻陳氏巢縣人年二十九夫死守節

周次朋妻宋氏巢縣人年十九夫亡守節

郭緯士妻洪氏巢縣人年十九夫亡守節終身

李子震妻張氏巢縣人年二十八夫死子嚙臣又早死與媳

吳氏撫三孫成立備歷辛勤

李芾妻何氏巢縣人年二十六夫死苦節三十三年

金鼎祚妻周氏巢縣人年二十三鼎祚宦廣西卒于官氏聞

訃矢死守節歷五十一年

熊可昌妻尹氏巢縣人年二十一夫死守節

李自純妻李氏巢縣人年二十夫死苦節至六十九歲

李思三妻張氏巢縣人年十九夫故苦節二十五年

宋加奎妻紀氏巢縣人年二十四夫亡苦節終身

生員高鼎妻張氏巢縣人年二十九夫死守節六十餘年

國學汪仁母楊氏巢縣人年二十九夫死守節

程雄母汪氏巢縣人年二十三夫死守節三十年卒

黃宗立妻方氏巢縣人年二十七夫亡守節

吳元璋妻錢氏巢縣人年二十五夫死守節

曹秀爲妻袁氏巢縣人年十八夫死守節苦節二十五年

黃培初妻孫氏休寧人寄居於巢年二十五培初死氏苦節

三十年而卒培初弟培元妻程氏亦少寡守節

國學許鎮妻唐氏舍山人寄居於巢年二十九夫亡守節

黃子雲妻鄧氏巢縣人年二十二夫亡守節二十年卒
盛崑實妻費氏巢縣人年二十三夫死苦節終身

以上巢縣志

